

Inatsisartut Ombudsmandiata 2010-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut**Akissuteqaat**

(Naalackersuisut Siulittaasuat)

Siullermeerneqarnera

Aallaqqaasiutigalugu Inatsisartut Ombudsmandiat 2010-mut nalunaarusiaanut ombudsmanditullu sulillaarsimaneranut qutsavigissavara.

Ombudsmandip suliassaraa namminersorlutik oqartussani kommuninilu oqartussat pisortaqaqfinnilu ingerlatsinermut oqartussaasut allat nakkutigissallugit. Tamakku saniatigut Ombudsmandip pisortat suliffeqarfiutaat suugaluartorluunniit aamma atorfeqarfik suugaluartorluunniit ombudsmandip suliassaanut ilaasoq misissuiffigisinnaavai. Tamakku saniatigut Ombudsmandi naalliutsitsisarneq aamma peqqarniitsumik, inuppalaanngitsumik imaluunniit nikanarsaaniarluni pillaanarluniluunniit pissusilersortarneq pillugit Naalagaaffiit Peqatigiit isumaqatigiissutaannut tapiliussaq 18. december 2002-meersoq, atorusukkaanni atorpeqarsinnaasoq, naapertorlugu naalagaaffimmi pinaveersaartitsinerup qanoq ittuunissaanik suliaqartussaavortaaq.

Ombudsmandi sulinermini Naalackersuisunut atorfilittaannullu aamma Inatsisartunut pituttorsimananiluunniit taakkuninnga killilersugaanngilaq. Taamaammat Ombudsmandi nammineq imaluunniit allat soqutigisaanik, misigissusiinik isumaannillu sunnersimaneqarani misissuisinnaatitaagami pingaaruteqarluinnarpoq. Ombudsmandi inuup kianguugaluartulluunniit illersortaattut taaneqartarpoq aammami innuttaasut inatsisitigut isumannaatsuunissaanik qulakkeerinnittuusarami.

Taamaammat Ombudsmandi inuiaqatigiinni kikkut tamarmik oqartussaaqataaffigisaanni pingaaruteqarluinnarpoq.

Naalackersuisut oqartussaasut tamarmik pisortat ingerlatsineranni inatsisitigut maleruagassanik eqqortitsisarnissaat taamaalillutillu siunnerfilimmik sulisarnissaat pingaartilluinnarpaat. Taamatut sulineq ingerlaavartuuvoq piumasaqaatinullu Ombudsmandi, Inatsisartunut taakkulu ataatsimiititaliaannut aamma Naalackersuisunut sianiginnittuartaasq.

Naalackersuisut nuannaarutigaat suliat ikittuinnaat Ombudsmandip paasisaqarfigisimmagut oqartussaasut pisortat ingerlatsineranni inatsisitigut maleruagassanik eqquutsitsinngiffiusimasunik. Pingaartumik Naalackersuisut nuannaarutigaat suliat tamakku ikiliartortutut isikkoqarmata. Suliarli ataasiinnaagaluarpuunniit tamanna ingasappallaarpoq Naalackersuisullu sulissutiguassavaat allaffissornikkut oqartussaasut pisortat ingerlatsineranni inatsisitigut maleruagassanik eqqortitsisarnissaat.

Naalackersuisut nuannaarutigaattaaq ukiumoortumik nalunaarutip ilai pingaarutillit siullermeertumik atuaganngoratik CD-ROM-imi saqqummersinneqarmata. Aningaasanik ileqqaarutaanermi saniatigut tamanna avatangiisinut iluaqutaassaartaaq.

Naalakersuisuniit taamatut oqaaseqarluta Ombudsmandip nalunaarutaata tusaatissatut tiguneqarnissaa isumaqataaffigaarput.